

舊
唐
書

卷之二

唐書志卷第二十六

經籍上

夫龜文成象肇八卦於庖犧鳥跡分形創六書於蒼頡聖作明述同源異流墳典起之於前詩書繼之於後先王陳迹後王準繩易曰人文以化成天下禮曰君子如欲化民成俗其必由學乎學者非他方策之謂也琢玉成器觀古知今歷代哲王莫不崇尚自仲尼沒而微言絕七十子喪而大義乖嬴氏坑焚以愚黔首漢興學校復創石渠雄向校讐於前馬鄭討論於後兩京載籍繇是粲然及漢末還都焚溺過半爰自魏晉迄于周隋而好事之君慕古之士亦未嘗不以圖籍爲意也然河北江南未能混一偏方購輯卷帙未弘而荀勗李充王儉任昉祖暉皆達學多聞歷世整比群分類聚迺相祖述或爲七錄或爲四部言其部類多有所遺及隋氏建邦寰區一統煬皇好學

劉昫
等修
聞人詮校刻沈炯同校

喜聚逸書而隋世簡編最爲博洽及大業之季喪失者多貞觀中令
狐德棻魏徵相次爲秘書監上言經籍亡逸請行購募并奏引學士
校定群書大備開元三年左散騎常侍褚無量馬懷素侍宴言及經
籍玄宗曰內庫皆是太宗高宗先代舊書常令宮人主掌所有殘缺
未遑補緝篇卷錯亂難於檢閱卿試爲朕整比之至七年詔公卿士
庶之家所有異書官借繕寫及四部書成上令百官入乾元殿東廊
觀之無不駭其廣九年十一月殷踐猷王愜韋述余欽母暉劉彥真
王灣劉仲等重修成群書四部錄二百卷右散騎常侍元行冲奏上
之自後母暉又略爲四十卷名爲古今書錄大凡伍萬一千八百五
十二卷祿山之亂兩都覆沒乾元舊籍亡散殆盡肅宗代宗崇重儒
術屢詔購募文宗時鄭覃侍講禁中以經籍道喪屢以爲言詔令秘
閣搜訪遺文日令添寫開成初四部書至五萬六千四百七十六卷
及廣明初黃巢干紀再陷兩京宮廟寺署焚蕩殆盡曩時遺籍尺簡
無存及行在朝諸儒購輯所傳無幾昭宗即位志弘文雅秘書省奏

曰常省元掌四部御書十二庫共七萬餘卷廣明之亂一時散失後來省司購募尚及二萬餘卷及先朝再幸山南尚存一萬八千卷竊知京城制置使孫晟收在本軍其御書秘閣見充教坊及諸軍人占住伏以典籍國之大經秘府校讐之地其書籍並望付當省校其殘缺漸令補輯樂人乞移他所並從之及遷都洛陽又喪其半平時載籍世莫得聞今錄開元盛時四部諸書以表藝文之盛四部者甲乙丙丁之次也甲部爲經其類十二一曰易以紀陰陽變化二曰書以紀帝王遺範三曰詩以紀興衰誦嘆四曰禮以紀文物體制五曰樂以紀聲容律度六曰春秋以紀行事褒貶七曰孝經以紀天經地義八曰論語以紀先聖微言九曰圖緯以紀六經讖候十曰經解以紀六經讖候十一曰詁訓以紀六經讖候十二曰小學以紀字體聲韻乙部爲史其類十有三曰正史以紀傳表志二曰古史以紀編年繫事三曰雜史以紀異體雜紀四曰霸史以紀僞朝國史五曰起居注以紀人君言動六曰舊事以紀朝廷政令七曰職官以紀班序品

秩八曰儀注以紀吉凶行事九曰刑法以紀律令格式十曰雜傳以
紀先聖人物十一曰地理以紀山川郡國十二曰譜系以紀世族繼
序十三曰略錄以紀史策條目丙部爲子其類一十有四一曰儒家
以紀仁義教化二曰道家以紀清淨無爲三曰法家以紀刑法典制
四曰名家以紀循名責實五曰墨家以紀強本節用六曰縱橫家以
紀辯說詭詐七曰雜家以紀兼敘衆說八曰農家以紀播植種藝九
曰小說家以紀芻辭輿誦十曰兵法以紀權謀制度十一曰天文以
紀星辰象緯十二曰曆數以紀推步氣朔十三曰五行以紀卜筮占
候十四曰醫方以紀藥餌針灸丁部爲集其類有三一曰楚詞以紀
騷人怨刺二曰別集以紀詞賦雜論三曰總集以紀文章事類張等
撰集依班固藝文志體例諸書隨部皆有小序發明其指近史官撰
隋書經籍志其例亦然竊以紀錄簡編異題卷部相公序述無出前
修今之殺青亦所不取但紀部帙而已而張等所序四部都錄以明
新修之旨今略載之竊以經墳浩廣史圖紛博尋覽者莫之能徧司

摠者常苦其多何暇重屋複牀更繁其說若先王有闕典上聖有遺事邦政所急儒訓是先宜垂教以作程當闡規而開典則不遑啓處何獲宴寧曩之所修誠惟此義然禮有未愜追怨良深于時祕書省經書實多亡闕諸司墳籍不暇討論此則事有未周一也其後周覽人間頗覩又新集記貞觀之前永徽已來不取近書採長安之上神龍已來未錄此則理有未弘二也書閱不徧事復未周或不詳名氏或未知部伍此則體有未通三也書多闕目空張第數旣無篇題實乖標榜此則例有所虧四也所用書序咸取魏文貞所分書類皆據隋經籍志理有未允體有不通此則事實未安五也昔馬談作史記班彪作漢書皆兩葉而僅成劉歆作七略王儉作七志踰二紀而方就孰有四萬卷目二千部書名目首尾三年便令終竟欲求精悉不其難乎所以常有遺恨竊思追雪乃與類同契積思潛心審正舊疑詳開新制未微新集神龍近書則釋而附也未詳名氏不知部伍則論而補也空張之目則檢獲便增未允之序則詳宜別作紕繆咸正

混雜必刊改舊傳之失者三百餘條加新書之目者六千餘卷凡經
錄十二家五百七十五部六千二百四十一卷史錄十三家八百四
十部一萬七千九百四十六卷子錄十七家七百五十三部一萬五
千六百三十七卷集錄三家八百九十二部一萬二千二十八卷凡
四部之錄四十五家都管三千六十部五萬一千八百五十二卷成
書錄四十卷其外有釋氏經律論疏道家經戒符籙凡二千五百餘
部九千五百餘卷亦具翻釋名氏序述指歸又勒成目錄十卷名曰
開元內外經錄若夫先王祕傳列代奧文自古之粹籍靈符絕域之
神經恠牒盡載於此二書矣夫經籍者開物成務垂教作程聖哲之
能事帝王之達典而去聖已久開鑿遂多苟不剖判條源甄明科部
則先賢遺事有卒代而不聞大國經書遂終年而空泯使學者孤舟
泳海弱羽憑天銜石填溟倚杖追日莫聞名目豈詳家代不亦勞乎
不亦弊乎將使書千帙於掌眸披萬函於年祀覽錄而知盲觀目而
悉詞經墳之精術盡探賢哲之睿思咸識不見古人之面而見古人

之心以傳後來不愈其已其序如此要等四部目及釋道目並有小序及注撰人姓氏卷軸繁多今並略之但紀篇部以表我朝文物之大其釋道錄目附本書今亦不取據開元經篇為之志天寶已後名公各著文章儒者多有撰述或記禮法之沿革或裁國史之繁略皆張部類其徒實繁臣以後出之書在開元四部之外不欲雜其本部今據所聞附撰人等傳其諸公文集亦見本傳此並不錄四部區分詳之于下甲部經錄十二家五百七十五部六千二百四十一卷

易類一

書類二

詩類三

禮類四

樂類五

春秋類六

孝經類七

論語類八

識緯類九

經解類十

詁訓類十一

小學類十二

易類一

歸藏十三卷

殷易司馬膺撰

周易二卷

卜商傳

周易十卷

孟喜章句

又十卷

京房章句

又四卷

費直章句

又十卷

馬融章句

又九卷

鄭玄注

又十卷

荀爽章句

又五卷

劉表注

又十卷注王肅

又十卷注董遇

又十卷注宋衷

又七卷注王弼

又九卷注虞翻

又十三卷注陸績

又十卷注葛氏九家集解

又十卷注馬鄭二集解

又十卷注姚信

又十卷注王弼韓康伯注

又十卷注二王集注

又十卷注荀暉

又十卷注蜀才

又十卷注張璠集解

又十卷注王廙

又十卷注干寶

又十卷注黃穎

又十卷注崔顥

又十三卷注崔觀

又十卷注何胤

又十卷注盧氏

又十四卷注傅氏

又十卷注王玄度注

又十卷注王玄注

又十卷注古希

又十卷注王凱

周易發揮五卷注王勃撰

周易繫辭二卷注謝萬

又二卷注相玄

又二卷注荀諲

又二卷注宋襄

周易義疏二十卷注張該

周易義疏二十卷注宋明帝撰

宋群臣講易疏二十卷注張該

周易六義二十卷注梁武帝撰

周易講疏三十五卷注梁武帝撰

周易發題義一卷

周易幾義一卷注蕭偉撰

周易大義疑問二十卷注梁武帝撰

周易義疏十四卷蕭子政撰

又十三卷何安撰

周易正義十四卷孔穎達撰

周易文句義疏二十四卷陸德明撰

周易新注本義十四卷薛貴撰

周易文句義疏二十卷梁上武撰

周易四卷鍾會撰

周易論一卷應吉撰

周易略論一卷張璠撰

易論一卷宋宗撰

又一卷樂永初撰

周易乾坤義疏一卷劉焯撰

周易文義一卷于齊撰

周易譜一卷袁宏撰

周易講疏三十卷張譏注

又十六卷褚仲都撰

周易新論十卷陸弘道撰

周易文外大義二卷陸德明撰

周易開題論序十卷

周易大衍論三卷玄宗撰

周易大演論一卷王弼撰

周易統略論三卷鄒湛撰

周易論二卷暨長成撰

通易象論一卷宣駁撰

周易繫辭義二卷劉向撰

周易略譜一卷沈能撰

周易卦序論一卷楊乂撰

周易論四卷范氏撰

周易雜音三卷

右易七十八部凡六百七十三卷

周易釋序義三卷

梁藩撰

古文尚書十三卷

孔國撰

又十卷

李顥集注

又十卷

范甯注

又十卷

馬融注

又九卷

鄭玄注

古文尚書十卷

王肅注

尚書十三卷

謝沈注

尚書暢訓三卷

伏勝注

尚書洪範五行傳十一卷

劉向撰

尚書谷問三卷

王肅問

尚書釋駁五卷

王肅撰

尚書釋問四卷

鄭玄注 王肅問 田璆撰

尚書義注三卷

呂文優撰

尚書釋義四卷

伊說撰

尚書要略二卷

尚書新釋二卷

撰

尚書百問一卷

顧敷撰

尚書義疏十卷

巢猗撰

尚書百釋三卷

巢猗撰

尚書義疏十卷

費彪撰

古文尚書大義二十卷

任孝恭撰

尚書義疏三十卷

蔡大撰

尚書文外義三十卷

顧彪撰

尚書義疏二十卷 劉焯撰

尚書正義二十卷 孔穎達撰

尚書音義四卷 王儉撰

尚書述義二十卷 劉炫撰

古文尚書音義五卷 顧彪撰

右尚書二十九部凡二百七十二卷

韓詩二十卷 卜商序 韓嬰撰

毛詩十卷 毛萇撰

毛詩二十卷 王肅注

集註毛詩二十四卷 崔靈思集注

毛詩譜二卷 鄭玄撰

毛詩義注五卷

毛詩問難二卷 王肅撰

毛詩義問十卷 劉楨撰

毛詩雜義難十卷

毛詩釋義十卷 謝沈撰

韓詩外傳十卷 韓嬰撰

毛詩詁訓二十卷 鄭玄箋

業詩二十卷 葉遵注

韓詩翼要十卷 卜商撰

毛詩集序二卷 卜商撰

毛詩雜義駁八卷 王肅撰

毛詩駁五卷 王伯典撰

毛詩雜答問五卷

毛詩異同評十卷 孫毓撰

毛詩辯三卷 楊乂撰

毛詩序義一卷 劉氏志撰

毛詩表隱二卷

毛詩義疏五卷 張氏撰

毛詩誼府三卷 元延明撰

毛詩草木鳥獸魚蟲疏二卷 陸機撰

毛詩述義三十卷 劉炫撰

毛詩正義四十卷 孔穎達撰

毛詩音義二卷 魯達撰

毛詩諸家音十五卷 鄭玄等注

難孫氏詩評四卷 陳統撰

右詩三十部凡三百十三卷

周官十二卷 馬融撰

周官禮十三卷 鄭玄注

又十卷 伊說撰

又十二卷 王肅注

又十二卷 于寶注

周官論評十二卷 陳邵駁傳玄評

周官寧朔新書八卷 司馬佃序王懋約注

周官駁難五卷 孫略問于寶答

周禮義疏四十卷 沈重撰

周禮疏五十卷 賈公彥撰

周禮義決三卷 王玄度撰

周官音三卷 鄭玄撰

儀禮十七卷 鄭玄注

又十七卷 王肅注

儀禮音二卷

喪服紀一卷 馬融注

又一卷 鄭玄注

又一卷

又二卷 蔡超宗注

喪服變除一卷 戴至德撰

喪服要集議三卷 杜預撰

儀禮疏五十卷 賈彥撰

喪服要紀十卷 賀循撰

喪服五代行要記十卷 王遂之志

喪服發題二卷 沈文阿撰

喪服天子諸侯圖二卷 謝慈撰

喪服譜一卷 蔡謨撰

喪服要難一卷 趙成問撰

小戴禮記二十卷 戴勝撰

又三十卷 王肅注

又一卷 袁準注

又一卷 陳銓注

又二卷 田僧紹注

喪服要紀一卷 王肅注

喪服要紀五卷 賀循撰

喪服變除一卷 鄭玄撰

喪服古今集記三卷 王儉撰

喪服經傳義疏四卷 沈文阿撰

喪服文句義十卷 皇侃撰

喪服圖一卷 崔遵撰

喪服譜一卷 賀循撰

大戴禮記十三卷 戴德撰

禮記二十卷 虞植注

又三十卷 孫炎注

又十二卷 葉遵注

次禮記二十卷 魏徵撰

禮記中庸傳二卷 戴顓撰

禮記要鈔六卷 緜氏撰

又二卷 謝慈撰

又二卷 尹毅撰

又二卷 徐爰撰

禮記略解十卷 庾蔚之撰

禮記義疏五十卷 皇侃撰

禮記義疏四十卷 熊安生撰

禮記類聚十卷

禮記疏八十卷 賈公彥撰

禮義二十卷 戴勝等撰

問禮俗十卷 董勛撰

禮記寧朔新書二十卷 司馬仲序王懋約注

月令章句十二卷 戴顓撰

禮記義記四卷 鄭小同撰

禮記音二卷 鄭玄注

又二卷 李軌撰

又三卷 徐遜撰

禮記隱二十六卷

禮記講疏一百卷 皇侃撰

禮記義疏四十卷 沈重撰

禮記義證十卷 劉方撰

禮記正義二十卷 孔穎達撰

禮論三百七卷 何承天撰

三禮目禮一卷 鄭玄注

禮記評十卷 劉雋撰

禮儀問答十卷 王儉撰

禮義雜記故事十一卷

禮論答問九卷 范甯撰

雜禮儀問答四卷 戚壽撰

禮論條牒十卷 任預撰

禮論抄六十六卷 任預撰

禮儀答問十卷 王儉撰

禮議一卷 傅伯祚撰

禮論要抄十三卷

禮論抄略十三卷

禮疑義五十卷 周捨撰

禮答問十卷 何休之撰

禮論要抄一百卷 賀瑒撰

三禮宗略二十卷 元延明撰

雜禮義十一卷 吳商等撰

禮問九卷 范甯撰

禮論問答九卷 徐廣撰

禮論降議三卷 顏延之撰

禮論帖三卷 任預撰

禮論抄二十卷 庾蔚之撰

禮雜抄略二卷 荀萬秋撰

禮統郊祀六卷

禮記區分十卷

禮太義十卷 梁武帝撰

禮記義十卷 何休之撰

三禮義宗三十卷 崔靈恩撰

禮統十三卷 賀述撰

三禮圖十二卷 夏侯伏朗撰